

Shcurtâ informari C.A. (Consillu Armânjloru)

1. Câ tse eara ananghi di C.A. (Consillu Armânjlor)

Europa nâ câfta di multu s-avemu unâ organizatsiuni cari s-adunâ deadunu tuti Sutsatili Armâneshtsâ. Tuti etniili cari suntu tu catandisea-a noastâ au unu ahtari Consilu. C.A. prindi s-hibâ unâ singurâ boatsi ti tuts Armânjilji.

Dealieha iasti câ, tora di oarâ, nu suntu intrati tuti sutsatili tu aestu Consilu, ama avemu nâdia câ va s-yinâ shi atselu kiro. Atsea tsi vremu sâ shtii Armânamea iasti câ aestu Consilu armâni dishcljisu ti tuti sutsatili armâneshtsâ tsi suntu sinfuni cu Statutlu CA.

CA s-află / s-amintă, **câ iasti sh va hibâ mari ananghi di lucru deadunu**. Mashu deadun putemu s-nâ amintămu unitatea cari nâ u lo isturia.

Consilu ali Evropâ lucreadzâ multu ma ghini cu unâ singurâ organizatsiuni tsi iasti boatsea atsiloru ma multsâ.

2. Cându s-bâgă thimelju CA

CA(Consillu Armânjloru) s-amintă aoa sh trei anji, tu 26-li di Sumedru 2005, ama anyrâpsitu la Giudico s-featsi estanu veara , tu 17-li di Alunaru 2008, Tirana. S-amână multu cu anyrâpsearea la Giudico ti ispetea câ amânarâ cârtsâli tsi lipsea s-hibâ apruceati di la sutsatili membri fundatoari. Ti-atsea sh tu aestu chiro di trei anji nu s-featsi multu lafi ti aestu Consilu, maca cârtsâli nu eara nica bâgati la Giudico. Nu fu unu lucru adratu pi-ascumta, ashi cumu minduia niscântsâ. Ashi câ, tu aestu chiro di trei anji, activitatea CA fu unâ activitati tu unâ perioadă interimarâ. **Prezidenta CA** tu aestu chiro interimaru fu **Dr. Mariana Bara**, shi-lj hâristusimu multu ti lucurlu tsi-lu featsi tu CA, ama sh-ti tutu lucurlu ditu dumenea-lj shtiintsifică , trâ Armânamî.

Scannulu CA fu aleptu Moscopoli / Arbinishie – poli-simbolu trâ Armânji - populu cari sh-tsânu pânâ adzâ adetsli tsi-shi-au zârtsinjili tu veacljea Culturâ Makiduneanâ.

3. Membri fundatori(Sutsati Membri tsi bâgarâ thimeljilu CA)

Membri fundatori suntu 5 Sutsati: Comunitatea Armânjloru ditu Rumânie, Tsentrulu di Limba shi Cultura Armânâ ditu Vâryârie, Liga Armânjilor ditu R. Makidunia, Sutsata MANDRA ditu Arbinushie, AFA (Sutsata Armânjilor ditu Frântsie). Sutsatili tsi va s-intrâ tu CA di-aoa shi-nclo va hibâ membri nifundatoari ama cu idyili ndrepturi. La Adunarea Generalâ CA ditu 25-li di Sumedru 2008 furâ apruceati nica 4 Sutsati ditu Arbinishie, ama tuti Sutsatili ditu Arbinishie lipseashti s-adunâ tu unâ singurâ Sutsatâ ma mari, la nivelu natsionalu, tu unâ Comunitati ica tu unâ Ligâ.

Delegatslji ti Adunarea Gheneralâ a CA, tsi furâ aleptsâ/pitricuts di sutsatili fundatoari, aoa sh trei anji, cându s-bâgă thimelju CA, sh-armsirâ sh ti aestu nâu mandatu di trei anji, 2008-2011, tora misurâ 35, suntu:

1- Vâryârie, “**Tsentrulu di Limba shi Cultura Armânã**”

- Doc/dct.Mihaj Hristov
- Vasill Janakiev
- Nikolla Kostov
- Kosta Nikollov
- Maria Duzova
- Nikollaj Kjurkciev
- Toma Kjurkciev
- dc.Tasho Tikov

2- Rumânie, “**Comunitatea Armânjilor ditu Rumânie**”

- Custica Canacheu
- Steryiu Samara
- Iota Trantu
- Mita Rida
- Yioryi Zicu
- Oani Nicolae
- Dr. Mariana Bara
- Mihau Moceanu

3- Makidunie, “**Liga Armânjilor ditu Makidunie**”

- Hrista Steriadi
- Yioryi Manoilovski
- Vanghel Dunevski
- Brane Stefanovski
- Nako Nikolovski
- Tashko Stojan
- Mita Papuli
- Hrista Colakovski

4- Arbinishie, “**Sutsata MANDRA**”

- Arben Lena
- Apostol Hali
- Koco Lena
- Mihal Kapurani
- Nikolla Tona
- Niko Xega
- Lefter Dhima
- Arben Hali

5- Frântsie, “Sutsata Armânjilor ditu Frântsie”, A.F.A.

- Iancu Perifan
- Niculaki Caracota
- Yiani Mantsu

Total suntu 35 delegats, pitricuts di Sutsatili membri tu Adunarea Generalâ a CA. Tu yinitoru numirlu a lor va creascâ, dupu tsi va intrâ sh alti sutsati tu Consilu.

4. Adunarea Gheneralâ, Sumedru 2008

Tu 25-li di Sumedru 2008, dupâ aeshtsâ 3 anji di kiro interimaru trâ CA, tu Adunarea Gheneralâ a CA s-featsirâ nalili alidzeri ti Biroulu Executivu – organlu di cumândâseari a CA – tsi ari borgea s- bagâ tu practichii tuti apofasli tsi s-ljia tu Adunarea Gheneralâ a CA. **Presidentu** fu aleptu **Yiani Mantsu** ditu Ghirmânie shi **Grâmâticu Gheneralu** fu aleptu **Niculaki Caracota** ditu Frântsie. Multsâ minduirâ câ tora tu-ahurhitâ, cându lipseashti s-facâ ligâturi astreasi cu Consilu Evropeanu, cumândâsearea a Biroului Executivu iasti ghini s-hibâ cama aproapea di Strasburgu sh di Bruxell. Naua cumândâseari a Biroului Executivu ari nâdia câ tu aestu chiro multu greu, cu zorili ditu ahurhitâ, va hibâ andrupâtu multu di tuts alantsâ sots ditu Consillu Armânjloru.

Tinjisindalui lucurlu sh copuslu tu alumta shi activitatea niacumtinatâ trâ Armânami, Adunarea Gheneralâ lu aleapsi pi **Iancu Perifan** ca **Prezidentu di Tinjie** a CA.

5. Cari suntu câftârli, scupadzlji CA

Scupadzlji CA suntu numâsits tu Statutu, Articul 8 – 19.

Scupolu CA di mari simasii iasti pricunushtearea tu cathi cratu ditu Balcanu ca populu ahoryea, tu cathi cratu iu bâneadzâ Armânjlji sh iu nu suntu nica pricunuscuts, s-amintâ ti Armânji tuti ndrepturli tsi lâ si cadu.

CA va s-andrupascâ câftârli a Comunitâtsloru ta s-amintâ statutlu di minoritati natsionalâ icâ di populu constitutivu, dupu cumu iasti catandisea ditu cathi statu.

CA lipseashti s-hibâ boatsea a Sutsatiloru membri.

CA ´sh pripuni amintarea statutlui consultativu di ONG(organizatsiuni non-guvernamentalâ) pi ninga Consilu Evropeanu.

CA lipseashti s-coordinezâ lucurlu anamisa di sutsati ashi turlii, ca s-amintâ unâ unitati sânoasâ anamisa di eali.

CA lipseashti s-ljia ligatura cu guvernili iu bâneadzâ Armânjlji, shi s-conlucreadzâ cu institutsiunli alushtoru guvernî trâ amintarea ndrepturiloru (limba tu sculie, tu mass media etc.).

6. Cari iasti cumândâsearea CA

Organili di cumândâseari a CA suntu Adunarea Gheneralâ, Biroulu Executivu shi Comisiunea di Controlu Finantsi (Comisiunea di Cenzori)

Adunarea Gheneralâ ari 35 di delegats pitricuts di Sutsatili membri, tora di oara, numiru tsi va creascâ diunâoarâ cu crishtearea numirlui di Sutsati tsi va intrâ tu CA.

Tu prota Adunari Gheneralâ CA, cându s-bâgâ thimeljlu CA, fu aleptu sh Biroulu Executivu, câti 4 di la cathi sutsatâ membrâ CA. Membriji ditu **Biroulu Executivu** suntu:

1- Vâryârie

- Docent/doc.Mihaj Hristov – Membru BE(Birou Executivu)
- Nikolla Kostov – Membru BE
- Nikollaj Kjurkciev – **Vitseprezidentu**
- dc.Tasho Tikov – **Grâmâticu**

2- Rumânie

- Steryiu Samara – **Vitseprezidentu**
- Mita Rida – Membru BE
- Oani Nicolae – **Grâmâticu**
- Dr. Mariana Bara – Membru BE(**Prezidenta interimarâ 2005-2008**)

3- Makidunie

- Vanghel Dunevski – **Grâmâticu**
- Nako Nikolovski – Membru BE
- Tashkov Stojan – Membru BE
- Mita Papuli – **Vitseprezidentu**

4- Arbinishie

- Arben Lena – **Vitseprezidentu**
- Apostol Hali – Membru BE
- Koco Lena – **Grâmâticu**
- Nikolla Tona – Membru BE

5- Frântsie/Ghirmânie

- Iancu Perifan – **Vitseprezidentu(Prezidentu di Tinjie aleptu 2008)**
- Nicolaki Caracota – **Grâmâticu Gheneralu CA(aleptu 2008)**
- Yiani Mantsu – **Prezidentu CA(aleptu 2008)**

Cumu s-veadi, cumândâsearea a Consilui Armânjilor ari componentsa di ma-nghiosu :

1 Prezidentu

1 Grâmâticu(Sicritaru) Gheneralu

5 Vitseprezidentsâ – câti unu di la cathi sutsatâ membrâ tu CA

5 Grâmâtits(Sicritari) – câti unu di la cathi sutsatâ membrâ tu CA

7. Mesagiulu a Biroului Executivu ti Armânami

Vruts sh duruts Armânji !

Lipseashti s-lucrâmu deadunu, vini oara cându isturia nâ da aestâ shansâ, sh-aestâ oarâ nu ashteaptâ ici ! Avemu ananghi di andrupimintu sh di idhei, di minduearea nauã evropeanâ tsi

Council of
Armans
(Macedonarmans)

Consillu Armânjloru

(Consillu Makedonarmânjloru)

Head Office: *Moscopoli* / Voskopoje – *Curceaua* / Korce – Po. Box 54, Korce, Albania

vremu s-u duchimu tu bârnurli di tiniri, Duchimu, multsâ di noi, cumu tora kirolu lucreadzâ sh trâ noi ! Easti ananghi di vreami, easti ananghi di multâ, multu di multâ, ACÂKISEARI anamisa di noi, aestâ va s-dzâcâ, s-avemu daima inima caldâ – ti aestâ vreami anamisa di noi, s-nâ tsânemu mintea daima aratsi – ti buna acâkiseari anamisa di noi, s-avemu prosupu – ti buna tinjie anamisa di noi sh anamisa di noi sh miletsli cu cari bânâmu deadunu, **s-tinjisimu cara s-vremu s-himu tinjisits !**

Dumnidzâ va ni-agiutâ !

Yiani Mantsu

Prezidentu Consillu Armânjloru

Tu 14-li di Brumaru 2008 , Frankfurt / Ghirmânie

(Bulitinu Infurmativu Nr. 2)